

欽定剿平粵匪方略

欽定勦平粵匪方略卷二百一 戊午年

八月初二日

甲辰

勝保奏言逆首李侍賛

等突竄廬城店埠梁園相繼告陷捻匪在北粵逆在南中間僅隔定遠一城而壽六亦極喫重臣以一軍橫截其中已屬腹背受敵設有疏虞其患不可勝言現已於懷遠各營抽撥兵勇三千餘名分布鳳陽之殷家澗大廟一帶以杜勾

結而扼北竄兼爲定遠後路聲援並飛飭穆謄  
阿率領馬隊會合皖軍由定遠迎擊臣亦馳赴  
鳳南一帶相機策應其懷遠攻勦事宜暫時責  
成徐廣縉率同署總兵龍澤厚等輪流進攻復  
飛咨袁甲三督軍節節進剿扎飭德楞額等由  
鹿邑一帶隨時探明迎擊但皖餉匱乏已極惟  
有仰求

皇上天恩不論何省

飭令迅撥餉銀數萬兩解赴臣營俾資接濟

勝保又奏言據穆騰阿稟稱現赴定遠商籌堵

勦撫臣已退守張橋驛尙距定遠數十里定遠

極形危急雖經臣派隊前往人心稍定究竟兵

數較少未足深恃而皖軍疲憊不獨李孟羣一

軍爲然各營將弁每至出隊多方推諉種種情

形難以悉數此次廬州之失聞有城勇當賊到時迎獻城池之說實堪痛恨似此軍務疲敝不堪以臣愚見非立奮

天威簡授重臣便宜行事不能大加振作力挽頽風

同日翁同書奏言廬州兵潰後店埠繼失柘皋大樹街兵勇同時潰走退至梁園而廬州之賊自店埠西路而來至柘之賊由大樹街至石塘

橋距梁園十餘里 臣飭令總兵吉順等分路迎  
截官軍失利兵勇全潰賊直撲梁園進入街內  
臣督隊扼堵乃賊來數萬臣力不能支突圍而  
出聞李孟羣已退往六安 臣祇得收集潰殘退  
保定遠李孟羣潰勇亦紛紛逃至 臣現督令赴  
六安歸隊適勝保遣副都統穆騰阿帶馬隊四  
百餘名馳至定遠共籌捍禦目下南路全失三

而受敵皖省軍務疲玩糧臺罄洗將不聽令兵  
盡苦飢惟有仰懇

天恩特派統師大臣另帶精銳前來並飭江南江北糧  
臺借撥銀兩稍救眉急庶定遠不致有失頃又  
接德興阿函稱水口已爲賊踞六合危急是賊  
擾六合德興阿必不能遣馬隊前來設粵捻勾  
合則不特定遠不保大局實不可問勝保德興

阿皆有專司攻勦之責如一時不能前來可否  
簡派和春前來視師或

命鄭魁士督兵與臣會辦均奏入

上命軍機大臣傳諭勝保翁同書曰自廬州失陷南路  
粵匪與鳳懷捻匪相去愈近惟恃定遠一城爲之間  
隔設再有疏虞則賊勢蔓延何堪設想勝保翁同書  
均責無旁貸勝保撥兵分布殷家澗等處飭穆騰阿

由定遠迎擊令徐廣縉進攻懷遠袁甲三進逼東西  
兩路所籌均尙周密惟賊勢鶻張非速克廬州恐難  
逼其北竄勝保已移營鳳南著卽督飭將士實力撫  
勦與翁同書和衷共濟將失陷地方迅圖克復李孟  
羣潰勇已由翁同書督令赴六安歸隊軍中法令宜  
嚴非獨潰勇無可姑息卽將弁中有畏葸誤事者亦  
當執法從事該撫旣知皖省兵將疲玩積習務宣力

臣擬作無負委任李孟羣逃往六安置廬州於不顧  
卽治以軍法亦不爲過姑念其平日尙屬勇往業經  
革職留營仍著勝保翁同書調遣如有玩誤卽著嚴  
參治罪至此次店埠梁園失守帶兵各員有無臨陣  
退縮情事並著勝保等查明參奏

上又命軍機大臣傳諭和春何桂清德興阿曰皖省定  
遠危急糧臺罄洗部撥餉銀恐未能卽到著和春何

桂清德興阿於江南北糧臺先行籌撥銀數萬兩迅速解往毋稍延誤鄭魁士現在紫金山帶兵防勦如該處情形不至萬分喫緊卽著和春飭令酌帶兵勇馳回皖省

同日慶靖奏言江右逆匪竄入閩疆盤踞松溪政和兩城六月二十八九等日知府陳維漢檄勵各勇分路進攻松溪逆匪出城抵禦卽被擊

退復有匪衆千餘人由政和山路前來我軍奮力迎擊賊匪潰敗回城我軍四面環攻登陴進城斃賊三百餘人賊勢窮蹙向東門逃逸我軍窮追十餘里復殺賊四百餘人計共殺賊一千餘名墜巖落水者無數當將縣城克復又二十六七等日遊擊袁良政和縣知縣楊國榮督率兵勇進攻政和逆匪設伏誘賊引至山後各軍

一齊殺出該逆潰亂退入城中我軍乘勝進剿  
福甯等兵暨聯丁齊至四面夾攻燒燬賊營十  
餘座直抵城下賊匪紛紛由北門出我軍窮追  
又殲斃多名生擒十三名政和縣城亦於七月  
初一日克復現在飛飭各文武乘勝追勦搜捕  
餘匪另派兵勇分路攻克崇浦邵武各城以期  
節節埽蕩奏入

上諭內閣曰福建松溪政和二縣被逆竄踞官軍聯丁連日奮力攻勦克復二縣城池勦辦尙屬得手著卽督飭文武乘勝追捕毋留餘孽所有此次打仗出力員弁兵勇聯丁人等准該署督擇尤請獎

慶端又奏言建陽敗匪竄至石陂勾合浦城踞逆至一萬數千人各軍腹背受敵退紮廻龍嶺州等處臣現在嚴催遊擊奎齡等督勇進勦並

飛飭總兵林向榮等設法圍擊務將賊匪殲滅  
迅復崇浦兩城又南平縣大厯日地方爲峽陽  
門戶延郡屏障與仁壽嵐下一帶均屬毗連長  
髮逆賊由邵下竄勾結紅巾土匪攻撲仁壽夏  
墩嵐下等處勢甚猖獗臣飛飭參將黃禮珍等  
率兵追勦奮力夾擊斃匪數百名生擒二百餘  
名嵐下夏墩及大厯日各鄉一律肅清洋墩桂

溪賊匪有竄回邵武之信浦城大股逆匪現尙  
虧聚亟應添調勁旅會合攻剿臣已飭署延建

邵道袁績懋統帶兵勇由上洋順昌一帶進攻

邵武約會官軍合力攻剿迅圖克復郡城肅清

餘孽

慶端又奏言江右股匪圍逼衢州九江鎮總兵  
李定太收復壽昌後督隊馳抵郡城賊黨李鴻

發前來投誠願放火內應七月初四日李定太  
等分路設伏進攻望見賊營火起各軍猛力進  
撲賊皆披靡燒燬賊營十一座各路伏兵齊起  
將西南各門賊營一律埽除斃匪無算賊由江  
山常山兩路逃走東路匪徒由河埠一帶竄遁  
李定太等分路追勦該逆聞大兵已到常山之  
賊率衆奔逃江山賊匪亦由處州浦城兩路逃

竄兩處縣城均已克復處州賊匪糧絕青田圍  
勇隨同官兵分投圍攻殺入城內斃賊多名餘  
匪由小水門逃竄隨將處州郡城收復查該逆  
被勦窮蹙亟應因而合圍兜剿淨盡現在回竄  
浦城勢仍猖獗建陽敗匪復竄石陂與浦城賊  
通爲一氣臣飭已革總兵饒廷選速帶衛防得  
勝之師間道入閩約會林向榮各軍奮力圍剿

務將浦城等縣剋期收復奏入均報

初四日

丙午

德興阿奏言九洑洲賊巢阻水爲固

連日因江口水漲我軍添撥師船輪班扼守七

月十九日賊船大小數十隻飛撲水營遊擊李

逢春等合幫會剿擊沈十餘隻拏獲燒燬數隻

賊船駛遁我軍追近九洑洲其下關七里洲草

轡尖各賊壘開礮擊我師船遂卽收隊二十一  
日陳國泰周希濂等分駕各船駛攻九洲洲賊  
壘轟損賊匪大船各匪紛紛落水參將黃彬李  
新明等亦督率各船由三度洲西江口戰進逼  
近賊壘槍礮環攻轟塌九洲洲牆垣數處擊斃  
黃衣賊目多名突有賊船十餘隻由下關駛出  
黃彬等擊壞賊匪先鋒船一隻斃賊多名餘船

不敢北渡滁州賊匪竄至水口富明阿派營總  
常壽等帶領兵勇分投夾擊斃賊百餘名餘匪  
爭渡淹斃甚衆官軍抵黃土嶺賊衆分擗而來  
我軍分左右翼包裹該逆拏死回竄我軍追殺  
十餘里王富來手刃黃衣賊目一名水口接應  
大股賊匪俱被官軍衝擊敗回共計殺賊六七  
百名生擒三十四名砍獲首級六十七顆和州

賊匪竄擾趙家莊等處經魁霖率隊往擊斃賊二十餘名該逆敗回我兵復追殺數名臣查九洲之賊雖負嵎如故而阻隔江漢可無外颺之慮濶逆進犯水口難保非窺伺來六現派博奇帶領馬隊卽赴六合與富明阿溫紹原會勦至西路和全之賊皆係悍黠防堵稍鬆彼卽乘虛而入鞠殿華於進剿烏衣獲勝後卽由小店

至高旺暫駐石磧橋等處飭各營嚴加防範並率隊往湯泉新何廟大劉莊一帶周視有無賊蹤相機進剿

德興阿又奏言臣接翁同書函稱廬州再失梁園店半繼陷兵勇星散糧餉軍火一切俱無囑臣多爲接濟臣查皖局決裂大樹街等處並無一兵廬賊可長驅東竄尤於江北大有關繫臣

兵力本單實難分撥現飛咨和春由南岸酌撥  
精兵二三千名赴皖策應臣飭楊能格多撥餉  
銀速濟皖省現在滁賊屢撲烏衣水口浦營後  
路緊逼賊氣加以廬州復失江北全局俱震探  
聞廬州之賊與全椒等處通爲一氣欲由和州  
烏江撲擾浦口六合打通江路救援金陵又報  
和州烏江俱已添賊石磧橋一帶喫緊異常是

以特囑鞠殿華分兵前往加意防閈伏查數日  
以來粵匪由廣州謀竄浦口六合捻逆已過臨  
淮會合粵逆現并出全滁偪近亦復謀竄浦六  
金陵首逆結聯七里洲九洑洲等處賊匪日備  
船隻又欲由江路竄至浦營以區區一萬數千  
之兵勇分布二百餘里之地而各路粵捻三面  
撲來實有防不勝防之勢前次請撥馬隊七百

名伏祈迅卽

飭撥南來以資協勦奏入

上命軍機大臣傳諭德興阿鞠殿華曰前請調撥馬隊  
已據僧格林沁抽調吉林馬隊二百五十名又調直  
隸提標馬隊官兵二百名自可陸續到浦該逆欲由  
水口窺伺六合情形喫緊著德興阿等督飭將士實  
力堵截毋任滲和逆匪得與南路勾通是爲至要

初八日庚戌翁同書奏言兵勇自梁園敗潰後全

至定遠顛連困苦收集爲難據報廬城全椒之

賊共有數萬往來店埠梁園間北過護城驛將

續張橋臣擬於蔣家巷張橋屯兵築壘以資捍

禦無如兵心渙散不復成軍臣現將廬營馬隊

交穆騰阿統帶與麟瑞馳赴南路於蔣家巷張

橋巴斗嶺一帶馳驟賊不敢出各營兵勇亦陸

續南行由總兵吉順等統帶屯紮張橋勸諭民團助兵築壘查定遠合肥民情素悍張橋以南土匪蠭起定遠地貧城小遙對清流關東面偏近滁城西南悉通廬郡其北又爲臨淮驛路四面受敵實已在賊圍中臣分派官兵嚴密守城並於城外結營四座聲勢聯絡乃布置甫定忽報滁賊突至三界鎮道員吳棠帶勇迎戰衆寡

不敵退往後路 臣一面派勇赴池河防堵一面  
飛咨勝保協勦並飭署廬鳳道黃元吉防堵盱  
眙之明光鎮頃聞賊匪已退將合舒城無爲巢  
縣廬江之賊攻撲壽州定遠等情伏思定遠四  
面皆賊若斷我餉道別無援師則全軍必致盡  
覆卽淮徐兗豫亦必震動 臣此時惟有與勝保  
相依如蒙

天恩准令勝保統領皖軍則事權既專將領皆知用命  
庶可從容展布以盡其力奏入

上命軍機大臣傳諭勝保翁同書曰廬城全椒之賊欲  
向張橋掠糧雖已退回梁園而土匪續起深慮與逆  
賊相應且定遠遙對清流關東通滁城北達臨淮西  
南悉通廬郡有四面受敵之勢若餉道被斷外無援  
師大局不堪設想勝保已移營鳳南一帶著卽統領

各軍迅速前進與翁同書妥籌堵勦兵餉軍械並著勝保就近通融辦理

同日浙江衢州鎮總兵李定太奏言七月十二日浦城賊匪分路撲犯大竿嶺關高門土匪復勾逆黨由青陽小路繞至念八都官軍出擊因賊數衆多恐其分股內犯我軍退回峽口十五日陶茂森由仙霞關進剿分路夾攻賊衆驚潰

我軍追斬百餘人收復各隘進擊大竿嶺關副  
將張騰蛟進至仙霞關駐紮紮天培饒廷選分  
由龍泉仙霞關兩面進撓浦城其竄犯廣豐匪  
徒亦經兵勇擊敗十三至十六等日賊衆大至  
四面圍攻復分股竄撲玉山臣卽飛調副將李  
嘉萬等一面協防江常開三邑一面分兵進剿  
二十日聚衆萬餘由玉山蠭撲常山之十八里

鋪副將朱承先親督兵勇左右包抄陣斬黃衣  
賊目五名擒斬逆匪多名號衆紛紛奔潰查此  
股賊匪人數逾萬雖經挫敗難保不復圖窺伺  
現添調兵勇馳往常山助勦並飭參將文瑞遊  
擊萬泰等乘勝前進迅解玉山之圍二十三日  
萬泰馳抵玉山道員李元度派隊出城兩面截  
擊逆勢不支卽由婺源德興逃竄城圍立解現

仍飭朱承先等分途前進跟蹤追勦奏入

上命軍機大臣傳諭李定太曰玉山現已解圍竄逃各匪卽著飭令副將朱承先等由婺源德興跟蹤追勦援閩之師旣經直擣浦城諒不難卽日勦洗江常各處回竄堪虞該總兵仍應駐紮該處策應諸軍以固浙省門戶毋謂親往浦城反致疏於防堵其婺源一路仍咨會張雷一體嚴防毋令紛擾

十一日癸丑和春奏言洪逆因連日衄敗糾集各

丑

圩賊匪萬餘七月十五日金川門高橋下關等

處各出逆黨四五千分股撲來總兵馮子材派

參將陳步高等率隊分兩翼包抄立斃僞先鋒

陳維謹等四名餘賊四竄我軍追勦斬殺甚多

總兵張玉良副將余兆青等分隊徑攻太平

門賊營焚燬更棚二座賊衆離巢分撲我軍前

後夾攻賊匪自相踐踏殲殪多名下關接應之  
賊亦經余兆青等擊退據塗賊供稱上游擾賊  
屢集慈湖銅井地方潛圖內竄並聞城賊糧缺  
由江比裝載米鹽食物乘間下駛以通接濟當  
卽檄飭總兵李若珠馳赴江甯鎮一帶迎頭探  
截行抵斷山坳地方逆援大股衝出我師橫截  
賊隊轟斃及溺斃者二百餘人水路逆援亦經

遊擊賴鎮海等於七月十六二十五等日在東  
西梁山金柱關江面截獲賊船二十二隻生擒  
逆匪十餘名起獲米糧軍火雜物無算其上游  
南陵青陽殷匯數千圍竄橫山橋截我餉路李  
若珠派兵潛匿山岡接應親率兵勇直趨橫橋  
逆匪遁擁而至官兵與鄉團先後兜圍賊衆大  
潰陣獲僞檢點將軍等二十餘名殲斃一千餘

名臣查洪逆困守金陵各路援賊號稱數萬張國樑現駐安德門督修濠壘將次竣工如大股全來有濠牆以禦內賊逸出仍可分兵以禦外援再得痛懲數次勦辦可期得手惟大江師船兵力尙單現調上游紅單艇船八隻卽日下駛聯泊三山下關一帶嚴密巡防杜其接濟奏入上諭曰現在逆援未絕尤應嚴防旁竄能不使其逸出

再分勦援賊自不難埽穴擒渠矣

和春又奏言徐州鎮總兵傅振邦奉

旨回徐勦捻所有澇澗堵勦事宜業經奏派副將米興

朝接替現據探報青陽舒城匪黨先後竄集蕪

湖號稱數萬自傅振邦離皖後蕪太逆氣囂集

查青陽池州逋寇歸併蕪湖勢必鋌而走險灣

沚黃池一帶皆爲江浙屏蔽設有震動關繫非

輕米興朝駐紮南陵情形同時喫重金陵大營  
正在圍攻萬緊統率需人而全局所關不能不  
力爲兼顧查有壽春鎮總兵鄭魁士謀勇兼優  
以之接辦皖防必可得力當飭督同參將熊兆  
周隨帶貴州官兵三百餘名由金陵馳赴灣沚  
督率嚴防仍飭米興朝駐守南陵以資熟手奏

八報

同日翁同書奏言梁園賊匪退往店埠及石塘  
橋等處有窺伺定遠之意臣因派總兵吉順等  
督帶兵勇二千名駐紮張橋等處以顧南路令  
署總兵余成蛟收合潰兵紮營城外傳集近城  
十六堡鄉團照兵勇築營賊至則兵勇出戰各  
團列陣助威並將馬隊分布東西兩路以備抄

擊縣城東西南三鄉各有團練數千人用爲屏蔽現探賊情果欲襲取定遠與捻匪聯爲一氣又據總兵塔思哈函述李兆受信稱梁園賊匪欲三股攻撲定遠逆賊錢姓帶領萬餘人抄到大柳驛池河鎮一帶與捻首張灑等合隊查池河大柳均在關山之北爲通定遠大道賊率大股繞撲則關山難守而縣城亦將震動臣卽添

派兵勇分往關山池河藕塘各處防堵一面飛  
咨勝保速撥馬步隊嚴防關山要隘派參將崔  
萬清帶領固原兵二百餘名前赴明光鎮防守  
以適韻道旋准勝保咨稱已派穆騰阿馳至池  
河堵禦本月初一日勝保馳至定遠與臣會議  
防禦機宜仍於是日回殷家澗駐禁頭又據報  
賊至古城集距界牌不遠臣已飭馬步隊聯繹

民團迎敵一面飛騎知會勝保派兵接應奏八  
上諭曰鄉團非募勇可比恐其臨時一潰受累不淺總  
應飭鄉團居前以禦賊官兵接應抄襲以壯其膽庶  
有把握

十二日甲寅耆齡奏言七月十一日浦城之匪竄

至廣豐賊衆數千紛撲東門經守備彭大壽等  
擊退十二日賊復圍攻東南北三門我軍奮擊

時許斃賊數百人賊勢大亂我軍追逐四五里  
賊落河流斃者不下千人我軍陣亡把總易金  
榜一名遠日賊聚愈多分攻各門彭大壽等率  
隊奮擊城內開礮助勢轟斃數人官軍將城外  
賊巢焚燬斃賊數百餘匪竄往玉山縣城解圍  
餘匪仍盤踞城外之大殿橋大股三千餘人至  
玉山縣羊澤地方由塔前渡河圖踞七里街道

員李元度督兵迎擊斃賊七八十人忽又有賊匪千餘從後路天后宮前偷渡李元度恐腹背受敵回守縣城賊亦隨至十六日賊犯西南北三門悉被兵勇擊退南豐縣又有建甯賊匪六千餘人竄擾經都司譚發祥等擒斬多名賊敗竄新城擡山地方焚掠分股千餘人擾及建昌之黃麻畲地方亦經遊擊劉光明勦殺數百名

復有光澤賊匪數千竄至杉關圖犯新城縣城  
經張運蘭督兵馳往勦辦臣復飛飭道員劉長  
佑等拔營前往探明新城南豐等縣何處緊要  
卽往應援廣信兵力尙單適曾國藩由湖北來  
江會商援閩事宜已催調勁勇二千餘名與張  
運蘭由河口進剿以援玉山臣亦咨催李定太  
速撥兵勇夾擊殄除羣醜早解玉山之圍埽蕩

廣豐餘寇把總易金榜力戰捐軀應請

旨飭部議卹奏入得

旨易金榜著照例議卹

耆齡又奏言七月初七日夜吉安城賊放大木  
籜五六十架小木籜七八十架上布鐵釘竹籜  
鳥槍刀矛繫以繩纜中放缸鉢滿盛火藥橫插  
火香每籜有十餘歲幼孩二名魚貫而下欲衝

浮橋經遊擊成章鑑督率戰船徹夜開轍截擊  
侯補同知直隸州劉騰鶴亦派兵勇乘船迎截  
各簣均被水師奪獲淹斃賊匪二百餘人初九  
夜賊復駕巨簣二座上設大礮周圍關干遮以  
架被長約數十丈後隨小船小簣二三百隻蟬  
群而下槍礮密布勢甚洶湧另以數十小划向  
上游牽掣吉字營水師周惠堂等截擊斃賊甚

多擊沈賊划十數隻餘划退倚城邊下竄賊鋒  
經成章鑑橫截猛擊轟溺無數東門復出步賊  
撲湘後營外濠劉騰鶴率勇力擊斃賊百數十  
人復馳赴河干擋擊奪獲近岸船筏多隻斃賊  
六七百人賊匪僅賸小划十數隻隨同大鑑衝  
下水急揮重以致鐵練浮橋均被衝斷成章鑑  
急率水師繞出賊前圍擊簿上之賊紛紛落水

立奪其筆生擒十餘賊並將小划概行奪獲賊盡投水劉騰鶴追逐十餘里逃賊盡數殲除同知曾國荃參將遮克敦布現設計反間城內賊匪連日自相殘殺並投營就戮統計不下二千餘人逆勢愈窮現經臣札催各營剋日環攻務期埽穴擒渠盜蕩妖氛擬保藍翎外委董茂盛力戰陣亡相應請

旨飭部照外委例議卹奏八得

旨董茂盛著照所請議卹

十三日乙卯翁同書奏言本月初三日賊衆數萬

由界牌直撲藕塘經穆騰阿擊退斬馘甚多賊

匪仍踞界牌臣屢次告急於勝保初四日勝保

派馬步八百餘名接應旋卽折回僅留馬隊百

名初五日亦折回紅心驛適接勝保來函據云

初五日必到定遠而竟日不到是日賊騎數千復撲藕塘我軍馬隊衆寡不敵迎戰失利賊已占踞藕塘穆騰阿退五里許駐紮查藕塘距池河驛社三十里距城六十里賊有數萬危城何以支持若賊出池河北犯明光鎮則餉道及文報俱絕卽勝保一軍亦受其困計勝保離此不過四五十里臣已飛函請其督隊迅速南來如

賊匪來犯 臣當親率飢軍背城一戰奏入

上命軍機大臣傳諭勝保翁同書曰前因賊逼定遠當  
諭令勝保迅速前進妥籌堵勦現在賊衆數萬由界  
牌直撲藕塘穆騰阿迎擊已獲勝仗卒因衆寡不敵  
失利卻退該大臣已派馬步八百餘名接應何以復  
行折回僅留馬隊一百餘名亦折回紅心驛所寄翁  
同書函信云初五日必到定遠復竟日不到何以遷

延若此粵匪與捻匪意在勾結一氣現在愈逼愈近  
惟恃定遠一城爲之間隔設有疏虞則賊勢益張勦  
辦更形棘手勝保現爲欽差大臣勦辦皖匪是其專  
責既距翁同書軍營僅四五十里著卽親率各軍馳  
往截勦毋得再事延誤李孟羣係革職留營之員應  
責令簡練兵勇由六安進援定遠冀可稍贖前愆翁  
同書仍督同現存兵勇實力防勦其池河以北明光

鎮爲餉道文報要路關繫尤重著勝保翁同書迅籌布置遏賊北竄毋許疏懈

十四日丙辰勝保奏言自廬州失陷粵氛日迫臣

營精銳大半分往紅心驛殷家澗一帶南北防  
勦查鳳臨各逆曇經痛剿勢已窮蹙懷遠城中  
之賊經臣於上洪下洪上橋下橋一帶分紮營  
壘已成合圍之勢水陸兵勇逐日各有斬擒當

此事已將成臣若抽撥兵勇徑赴廬州則馬頭城一帶兵力較單深恐別生枝節歸陳頴各屬必致又復戒嚴若稍緩赴廬又恐粵氣正惡萬一定遠抵禦不住又成粵捻勾結之患臣因復派穆騰阿帶領馬隊馳赴藕塘以顧東南要隘力扼北竄之路並一面函商翁同書先行相機進逼廬城一面仍飭將弁攻取懷鳳以期早克

堅城頃據翁同書函稱探聞大股粵逆復竄至  
界牌地方分三股由張橋老人倉藕塘攻撲定  
遠勢極狼狽又憂據函稱定遠兵團皆難聯絡  
必須臣親自前往又連接徐廣縉函稱馬頭城  
行營乃各營後路根本重地懷賊時刻思竄囑  
臣趕緊馳回臣籌思再四先其所急將原駐紅  
心驛及親隨各馬隊悉數撥赴定城速前援馬

隊官兵統交穆騰阿麟瑞管帶分投迎勦又派  
遊擊德元帶兵八百名星馳前往隨同翁同書  
相機扼堵臣當酌量情形如有緩急隨時親馳  
援應現仍暫駐殷家澗以便回顧懷鳳各營惟  
廬營勇多於兵尤須裁冗添銳以收實用懷鳳  
進剿各隊亦須俟袁甲三到後方可從長計議  
酌量抽調不致顧此失彼臣查看南路如果情

形稍鬆卽行折回懷遠相度攻守並飛催袁甲  
三迅速前來面商一切機宜俾臣得早進兵迅  
圖克復如袁甲三未到懷鳳各路料理妥洽臣  
卽當馳赴定遠進攻廬州斷不敢稍涉株待

勝保又奏言查皖省此時要務莫先於裁勇尤  
不能不亟議添兵現在皖境乃江南湖北各逆  
逋逃淵藪人數衆多尤非大兵不足勦洗臣再

四思維惟有酌調新兵二三千名並將舊勇概行裁汰擇其精銳可用者酌選留營以輔兵力之不足現在各省額兵無可再撥而軍情喫重不得不設法變通查四川湖南兩省現無軍務存營之兵尙多合無仰懇

皇上天恩飭下四川湖南督撫臣各於該省提鎮標下挑選精銳一千五百名前來以資攻勦臣俟新

兵一到卽與翁同書將旼勇大加裁汰以節浮費其未到之先仍儘現在存營兵勇設法激勵盡力布置酌挑精壯節節前進以冀早得奏功

奏八

上命軍機大臣傳諭勝保袁甲三曰昨因翁同書奏賊撲藕塘馬隊失利諭令勝保親率各軍馳往截勦本日據勝保奏先撥馬步精兵馳援定遠俟布置北路

妥協再赴廬州等語勝保所奏係在翁同書奏報以前是以穆騰阿失利退守各情尙未知悉現在賊踞  
鴉塘定遠萬分危急該大臣所派官兵何以甫至輒  
回翁同書所帶兵勇挫敗之餘軍火器械一切不全  
定遠若失卽勝保一軍亦有兩面受敵之勢自應先  
其所急該大臣縱未能移營前進亦應派得力援兵  
前往協勦毋許延誤現在鳳懷賊匪屢經受創其勢

漸衰著袁甲三迅速前進接辦鳳懷勦匪事務以便  
勝保交卸起程

上又命軍機大臣傳諭王慶雲駱秉章曰安徽自廬州  
再失店埠梁園等處相繼告陷定遠危急該處勇多  
兵少亟應裁勇添兵以資得力四川湖南兩省兵力  
素健著王慶雲駱秉章悉心籌畫如存營兵力尙敷  
調遣卽著各挑選精銳一千五百名配帶軍裝糧餉

發赴鳳陽一帶交勝保翁同書調遣勿得稍存膜視  
上又命軍機大臣傳諭瑛棨曰現在皖省懷鳳各處賊  
勢蔓延定遠又甚危急勝保督兵兼顧不敷分撥鄰  
省自當協助惟前據瑛棨奏陝西官兵業已抽調六  
百名赴袁甲三軍營所存僅四百名著該署撫卽將  
此項官兵調赴勝保軍營以資攻勦至豫省防務亦  
甚緊要著於南北兩鎮中酌量抽調以補陝兵之數

其原防鹿邑之營總蘇克金所帶馬隊二百餘名著  
一併飭赴勝保軍營卽於由京新調之馬步官兵內  
截留二百名防堵鹿邑如此量爲轉移先其所急庶  
無顧此失彼之虞

勝保又奏言查李兆受未經出降之先已將粵  
逆擬撲廬州暗通消息至僞國宗楊逆本爲李  
兆受所制當其出城迎降之際已計遣該逆前

赴全椒有在城僞檢點稍知風聲當卽藉端殺死滅日迨廬州失事粵逆僞後軍主將李壽城屢調令攻撲來安江浦李兆受以桐廬眷屬未盡來滁心腹陳廣俊等尙在金陵城池未經出獻卽爲令不能不佯爲奉行因先期知會來安縣知縣敎明並不滋擾而後派人僅至水口經官兵擒斬多名李兆受卽以官兵得勝不能前

進解釋粵逆之疑乃李壽城復遣李毛蘿髮於  
草履中暗藏僞文送往鳳懷糾合張龔二逆暨  
張灝等匪率黨齊至大柳地方與粵逆會合同  
犯來安盱眙六合江浦以襲江北大營後路而  
解金陵之困又經李兆受遣人將李毛邀殺搜  
得僞文稟送慶瑞行營呈驗又先後令其叔李  
銜華兄李昭雲赴臣營面稟備述粵逆實在攻

撲定遠綱犯大柳以圖東竄李兆受俟眷屬到  
齊陳廣俊等招旨卽獻城舉事臣囑李衡華等  
轉催其作速薙髮以明心跡惟粵逆旣有竄撲  
定遠窺伺東路之說不可不加意嚴防已飛咨  
德興阿轉飭江北各營豫備堵勦並札飭喀思  
哈緊守關由營盤一面派穆騰阿酌帶馬隊埋  
伏蘿塘一帶以備邀擊復令知縣田玉梅帶領

聞

勇丁千餘名由紅心驛馳赴大柳相機應援其定遠前路已由臣與翁同書派隊分布紮營實力扼截奏入報

同日和春晏端書奏言逆匪盤踞浦城經總兵周天培帶兵自浙江龍泉一路援勦出紮至龔村嶺該逆前來撲營經遊擊馬承恩等奮力擊

退斃賊極多官軍進紮關莊該逆復以大股來  
撲周天培親督諸軍鏖戰槍斃黃衣騎馬賊數  
名餘匪敗潰入城官軍乘勝追至離城十里松  
波橋該逆聞風喪膽卽於是夜紛紛驚竄周天  
培集隊進攻東北兩門又復分兵抄截竄賊擒  
斬甚多撲河死者無算當於七月二十一日將  
浦城克復塊在周天受督飭諸軍探賊趨向繞

出賊前遏擊

和春晏端書又奏言玉山敗匪退至七都球欲  
取道華埠以竄婺源我軍於七月二十三四等  
日疊次迎擊獲勝二十六日逆匪大股屬至紛  
撲華埠營盤官兵傷亡不少李定太飛調副將  
周萬遠參將文瑞兩軍分路應援一面親赴常  
山督勦臣等察看刻下賊勢趨重於德興婺源

開化而華埠軍情更緊現已飛咨李定太於開化防所厚集兵力並於遂安壽昌各路迅速派兵堵守以杜該逆乘虛窺伺至閩省松溪政和建陽等處均無賊蹤崇安之賊竄出岑陽關鉛山河口遠處戒嚴而石逆現又竄往建甯其勢殆將回竄撫建是江西皖浙又形喫重曾國藩於七月十四日行抵湖口縣道員蕭啟江業已

拔營前來廣信臣等已飭各路帶兵官嚴密防  
勦並咨周天受浦城一軍仍回顧浙江各路以  
昭周密奏入

上命軍機大臣傳諭耆齡胡興仁曰閩省松溪政和等  
處現無賊蹤周天受克復浦城自應確探所往繞出  
賊前遏其入閩之路惟玉山敗匪前已竄往德興婺  
源近又退至七都球取道華埠撲我營盤李定太業

已親赴常山督勦著胡興仁卽飭該總兵於常開一  
帶迅殄逆氛其遂安壽昌各路亦應堵其窺伺並知  
照張芾飭令徽防文武嚴密防勦毋許竄入周天受  
亦須兼顧浙江至崇安之賊竄入岑陽關現在鉛山  
河口處處戒嚴石逆又有竄往建甯爲回竄撫建之  
計是江西軍情亦形喫重曾國藩已行抵江西省城  
其前部蕭啟江之兵亦至廣信著耆齡飛咨曾國藩

飭令該道亟籌堵勦該侍郎迅卽前進探明賊勢趨向何處卽往策應

上諭內閣曰逆匪竄擾福建盤踞浦城經總兵周天培帶兵赴援擊斃賊匪甚多該逆聞風驚竄當將浦城克復著胡興仁卽飭周天受督率周天培等各軍迅卽乘勝掃除餘匪廓清閩境並將逆匪回竄徽浙各路兼籌堵勦毋令蔓延

十五日 丁巳官文奏言皖省賊匪於太湖南城外浚

濠增壘力圖抗拒其附近霍山潛山桐城望江懷遠舒城各路之賊蟻聚蠭屯李續賓督兵進勦此時正當喫緊遽令應援廬州實恐緩不濟急若從豫省邊界繞道行走旣慮太湖等處之賊由皖而豫尤恐前路策應無人後路餉糈中梗賊匪跟蹤追襲轉有腹背受敵之患且李續

賓部勇僅八千餘人力遏數萬之賊勢不能再行分兵自弱其勢至都興阿馬隊堪戰之士不足千人所部各僉兵亦無多現由宿松拔營前進亦屬無可抽調惟是廬州再陷南北全局攸關臣再四思維惟有趕緊知照李續賓迅速進兵攻克太湖卽乘勢埽清桐城舒城一路疾趨廬州會圖克復兼扼賊匪比竄庶不至顧此失

彼聞吉安剋期可復擬卽咨會江西撫臣一俟  
吉安克復卽撤回劉騰鶴一軍代防湖口彭澤  
而調留防各營歸皖庶李續賓兵力稍厚卽可  
分兵沿江一路以會楊載福之師更於普承堯  
各營汰弱選精以待援應淮北屆期兵力儘有  
不敷由鄂省另行籌募會同前進或於皖豫粵  
捻各匪東奔北竄機宜稍資補救再查此次廬

州失陷李孟羣以數萬之勇見賊卽潰是兵多而將不得人不僅糜餉亦且僨事現在勝保袁

甲三兩營兵力稍厚相應請

旨飭下該大臣等就近力扼北竄庶抽調易於措置而各路不致疏虞奏入

上命軍機大臣傳諭官文曰前因廬州失守諭令官文知照李續賓都興阿等分兵赴援本日據官文奏兵

力難分擬俟太湖攻克乘勢埽蕩舒城再行馳赴廬州會圖克復並以俟吉安得手後撤回劉騰鶴一軍代防湖口彭澤然後調留防各兵併交李續賓統帶始能分兵沿江以會楊載福之師復因都興阿馬隊不及千名方議由宿松進剿遽難抽調所籌雖係實在情形但恐緩不濟急現在店埠梁園藕塘一帶均爲賊踞定遠縣城萬分危急翁同書挫敗之餘軍械

全失卽勝保拔營前進仍慮兵力較單恐難遏賊北  
竚該大臣旣稱應援淮北如兵力不敷擬由楚省另  
行籌募於勦辦粵捻機宜堪資補救著卽早爲籌募  
並檄本省營兵二三千名卽派得力大員統帶徑赴  
廬州定遠以爲勝保等策應仍飭李續賓迅克太湖  
卽未能速克舒桐儻能與勝保等謀面會商兩路夾  
攻更爲得力都興阿一軍尙在宿松能否兼顧北路

音官文酌量調度